

保定府志

第二十六冊 卷六十五至六十七
列女一 歷代

保定府志卷六十五

列傳十九

列女一自

漢

魏氏木蘭亳州人漢文帝嘗屯兵曲逆蘭隨父來遂為曲逆人年二十以父當行戌年老子幼蘭以身代長征十有二年有功不受賞惟求歸見父母同戌者莫之知也樂府有木蘭詞唐封

為孝烈將軍今完縣東有廟

舊志

按安徽通志魏氏木蘭一名花弧隋恭帝時募兵戌北蘭父當往而老弟妹俱稚木蘭乃代父行歷十二年建勳凱還天子嘉之除尙書不受願還省親及歸易妝同行者駭之聞於朝召赴闕欲納之木蘭以死拒之贈將軍諡孝烈考隋煬帝十三年丁丑十一月唐王李淵克長安立代王侑是為恭帝尊煬帝為太上皇次年戊寅三月字文化及弒煬帝又立秦王浩五月唐王李淵廢侑為酈國公而越王侗又稱皇帝八月字文化及復弒秦王浩己卯五月鄭

王世充弑隋主侗亦諡曰恭而隋亡統計隋兩恭帝前後三載實只年半若以唐高祖稱帝之時論斷則恭帝在隋裁六月耳信如徽志所云歷十二年豈不越過武德九年而至貞觀三年耶豈因唐贈木蘭為孝烈將軍如元達士安所記而譌耶且卽以木蘭詩詞證之與漢詩為焦仲卿妻作者大相類昔人以爲衛敬瑜妻王氏所作想當然耳郭茂倩樂府解題雖列於梁鼓角橫吹曲中而注曰古辭亦可知其來舊矣何出光木蘭詞賽神曲序云完爲古曲逆地正當燕山之麓將軍百戰收其境疆土人廟祀固宜明石麟孝烈將軍廟記以代戍成志爲仁變服就敵爲智策勳十二爲才名俘於衆爲節姚奎木蘭歌引又以委身事君爲忠克敵制勝爲勇辭封拒賞爲廉事親終身爲孝久處戎行守身弗失爲貞故康熙雍正通志特列木蘭於漢列女之首不入識餘良以重在倫常自是卓識乃冀州新河縣志載前明邑令徐治民及訓導李元善皆有木蘭詞云木蘭新河農家女代父戍邊云云則誠不知其所本矣

無名氏木蘭詞唧唧復唧唧木蘭當戶織不聞機杼聲惟聞女嘆息問女何所思問女何所憶女亦無所思女亦無所憶昨夜見軍帖可汗大點兵軍書十二卷卷卷有爺名阿爺無大兒木蘭無長兄願爲市鞍馬從此替爺征東市買駿馬西市買鞍韉南市買轡頭北市買長鞭旦辭爺娘去暮宿黃河邊不聞爺娘喚女聲但聞黃河流水鳴濺濺

旦辭黃河去暮至黑山頭不聞爺娘喚女聲但聞燕山鐵
騎鳴啾啾萬里赴戎機關山度若飛朔氣傳金柝寒光照
鐵衣將軍百戰死壯士十年歸歸來見天子天子坐明堂
策勛十二轉賞賜百千鏹可汗問所欲木蘭不用尙書郎
願馳千里足送兒還故鄉爺娘聞女來出郭相扶將阿妹
聞姊來當戶理紅粧小弟聞姊來磨刀霍霍向豬羊開我
東閣門坐我西閣床脫我戰時袍著我舊時裳當廳理雲
鬢挂鏡貼花黃出門看火伴火伴始驚惶同行十二年不
知木蘭是女郎雄兔脚撲朔雌兔眼
迷離雙兔傍地走安能辨我是雄雌

三國

魏

許允妻阮氏允高陽人爲中領軍阮最賢明允爲景王所誅門
生欲藏其子婦曰無預諸兒事景王遣鍾會看之若才藝德能
及父當收兒以語母母答汝等雖佳才具不多率胸懷與會語
便自無憂不須極哀會止便止可少問朝事兒從之會反命俱
以狀對卒免其禍皆母之教也

大清
一統志

隋

列女 歷代

許善心母范氏梁太子舍人孝才之女少寡養孤博學有高節

高祖知之敕尙食每獻時新常遣分賜嘗詔范入內侍皇后講

讀封永樂郡君及善心遇禍范年九十二臨喪不哭撫柩曰能

死國難我有兒矣

隋書許善心傳

困臥不食後十餘日亦終

高陽縣志

按隋書許善心高陽北新城人今安肅縣卽齊北新城地隋省入

唐

李孝女名妙法瀛州博野人安祿山亂被卻徙他州聞父亡欲

間道奔喪一子不忍去割一乳留以行既至父已葬號踊請開

父墓以視宗族不許持刀刺心乃爲開見棺舌去塵髮治拭之

結廬墓左手植松柏有異鳥至後母病或不食飲女終日未嘗

親匙箸及亡刺血於母臂而葬廬墓終身

新唐書列女傳

按古文割句同音葛故通用薛尙功鐘鼎款識用割眉壽是也割一乳留言句求一代乳而留之非謂刀割其乳留

之也存此
備一解

古元應妻高氏元應為飛狐縣令默啜攻之高氏竟能固守縣城卒免為突厥所陷事聞下詔曰頃屬默啜攻城咸憂陷沒丈夫固守猶不能堅婦人懷忠不畏鋒鏑由茲感激危城重安如不褒升何以獎勸古元應妻子封為徇忠縣君

舊唐書列女傳

按徇忠縣即今完縣唐為北平縣武后時改為徇忠縣

冀州鹿城女子王阿足者早孤無兄弟惟姊一人阿足初適同縣李氏未有子而夫亡時年尚少為姊年老孤寡乃誓不嫁以養其姊晝田夜織以資衣食餘二十年姊亡葬送如禮鄉人服其義爭遣妻女往師其風訓壽終於家

舊唐書列女傳參新唐書

按鹿城今東鹿縣

元

劉治妻趙氏滿城人適劉期年而治亡守義終身養姑慈幼恩禮俱至故群從子孫諸姑妯娌一門長幼無不敬愛其子姪教育無異己出世家敬讓之風由趙氏作起焉

康熙通志

崔賓妻尙氏定興人自幼讀書知大義一舉足必循矩度及歸賓賓負儒名時典邑庠教事尙能執勤儉佐其所不及人皆賢之元季盜起中原遠近驛騷尙被擄賊卻之曰若從吾則生否則死尙正色罵曰吾恨不奮劍斬汝萬段以謝無辜死則死耳狂吠何爲賊知其不可屈乃揮刀殺之賊退賓求其尸殯葬如

禮康熙通志參定興縣志

拜珠

舊作住

母奇味氏

舊作法烈氏

年二十二寡居守節

新城縣志

初拜珠

爲禮儀院使年二十吏就第請判牘適在後圃閱羣戲出稍遲母厲聲訶之拜珠深自刻責一日侍宴英宗強以數卮歸母戒

之曰汝宜戒懼無酣於酒又嘗代祀睿宗原廟歸母問曰眞定

官府待汝若何對曰甚重母曰彼特以天子威靈汝先人勲德

汝何有焉拜珠之賢母之教也封東平王夫人

元史拜珠傳

王孝女容城人性至孝幼喪父事母色養備至及母歿感念遂

不嫁終身州上其行詔旌表之盧內翰署其門曰孝女

雍正通志

元劉因王孝女旌門銘曰孰不娶終身曰魯山之元道州之陽史名卓行何謂非平常二子且然女奚責望盧公表之何用以戒荒

劉甫妻李氏新安簿增昌女早喪父家貧事母李氏孝幽嫺貞

靜及笄嫁爲雄州民劉甫年二十而甫卒子英方五歲誓不再

適采茶食蓼紡績自存獲持其子以終其身

舊志參雄縣志

按舊志敘次歷代列女有堯母慶都氏望都人明賢妃柏

氏蠡縣人明天順八年選入內庭懿妃傅氏明光宗妃甲

申後潛匿新安六里村未幾憂鬱死然核以志例均不當
在列女之屬茲不錄又歷代列女總彙於前自明迄今分
縣載入

保定府志卷六十六

列傳二十

列女二 清苑 滿城 安肅 定興 新城 唐縣 博野

明

清苑縣

霍瓚妻張氏年二十瓚卒矢志守節家貧務樵采紡績以自給

撫孤鳳為御醫鳳亦盡孝奏聞旌其節 舊志

樊璉妻張氏適璉三載而寡哭泣嘔血五日不食氣絕復甦撫

遺孤曷成立領鄉薦 舊志 大學士石瑤李時俱輓以詩 縣志

庠生崔景昭妻梁氏年十九守節子女俱無壽八十二而終 舊志

常輅妻湯氏年二十一歲夫卒毀容自閔不見親故貞守三十

餘年完志以終 同上

庠生張鑑妻龍氏年二十生子三朝而夫亡孀居撫孤五十餘

年卒

同上

司崇質妻張氏年二十四歲夫亡親老孤幼勤苦持家教子璣
瑤俱由歲貢服官學訓守節二十四年卒御史景濤奏聞旌表

舊志參康

熙通志

王甫興妻楊氏年二十二守節孝事舅姑始終無怠

舊志

安仲傑妻楊氏年二十守節撫孤以終閨範凜然

同上

庠生趙瑞妻張氏嫁三歲而瑞亡事繼姑以孝聞苦節終身

同上

徐霏妻王氏年二十霏卒生遺腹子撫之成立守節五十年當

道旌之

同上

張勳妻孫氏年二十七守節撫子守宗早卒子婦李氏亦二十
七歲與姑共撫一孫及婚又卒孫婦王氏年二十六家無厚產

紡織爲生三世完貞鄉閭矜式

同上

庠生張沼妻吳氏沼爲諸生遇寇變吳義不受辱罵賊遇害

清一統志事聞旌表立碑墓道

縣志

李瀛妻郭氏瀛爲大同斷事既卒無子郭與妾韓氏同時自縊

親族解球韓蘇而郭已死

大清一統志

王養志妻李氏年十九志卒翁姑令別適二日不食乘間自縊

死

康熙通志

督學賀一桂請旌建坊

縣志

楊汝立妻王氏事姑盡孝夫病顛天請代及卒以撫孤自任井

臼親操郡守兩院旌之歲給粟帛

縣志

庠生楊天秩

舊志通志楊俱作李

妻王氏幼通書史大義年十六歲子歸

五月而夫亡念姑老忍死奉侍姑死依父母以居父母亦卒有

女姪歸張引者亦孀居貧甚同歸母家共處一室祁寒盛暑不

出閨闈五十年如一日尚書高曜為作墓志

縣志

按安肅縣志亦載楊天秩妻王氏事或安肅為王氏母家耳存疑

王遷妻陳氏年二十九歲夫卒甘志守節孀居四十餘年卒

李進榮妻王氏年二十一歲夫故哀慟不食於柩旁自縊死

庠生劉澤妻傅氏文毅公女也年十七歲夫亡無子毀容去飾

設木主以祀之朝晡上食事如生凡四十年卒

以上俱見舊志

庠生李芳妻宋氏年二十芳死長子植三齡幼子朴未週歲姑

司氏衰老殘疾宋務紡績奉姑携幼守志五十三年卒於萬曆

辛亥二子一襲武職一為名宦督學奏聞建坊旌表

舊志參康熙通志

明孫承宗李節婦詩弔孀節仙侶降臨產名閨乘龍一醮舉案欣渡鵲二旬藁砧別石麟初見方三齡玉燕繼出僅彌月矢志柏舟堅不移展孝萱堂養無缺未幾天心錯使劍誰堪貞母割骨血幸有墨題列紫綬且毓瓊華兆金捷光前裕後無煩慮克孝盡慈何憐惻我弔荒煙蔓草間不覺平林落照盡鳴咽

庠生司邦醅妻宋氏年十七寡守節終身天啟七年旌舊志

黨雲龍妻張氏年二十三歲夫卒家貧姑衰子稚苦節四十七

年崇禎二年旌同上

指揮使劉鎮妻徐氏年二十孀居撫孤繼祖後繼祖為指揮使

戰歿婦戴氏年十八子忠嗣尚在襁褓戴仰事俛育守節以終

後忠嗣亦死傳詳忠烈世稱一門節孝兩代忠貞云康熙通志參縣志

劉壽昌妻楊氏年十九歲夫卒事姑曲盡婦道母家來迎辭以

姑病不能去側閱三年姑歿喪葬畢哭告於夫墓曰妾今得相

從地下矣遂絕食家人泣請遺言楊曰姑服在身殮以布素遂

瞑目林大將軍桐作詩勒石弔之康熙通志

明林桐劉烈婦歌
華可望不可即烈烈遺事堪編摩
里門俱家世蘋藻方聞薦德馨
雞夜未央解來雜珮聲
瑤瑤燕爾僅看冀四落人間突去

修文郎痛絕還蘇誓必死可憐病姑深痛子要供菽水解
 親憂忍使泉臺絕歆祀荏苒三年稱未亡皦然此志凌清
 霜一朝萱草萎堂背兩旬絕粒了綱常歲在辛亥夏五月
 炎風吹火雲煙發連縣霍雨六十朝天為之淚滑滑從
 容一死何慷慨炳然大節參元宰太行增高易水深前無
 古昔後無待羌予出鎮古上谷悲來氣奪高漸筑吹林搔
 首望高秋蛩語
 淒淒難斷續

王世琇妻武氏世琇任歸德司李崇禎壬午殉城武聞訃一慟

而絕久之後甦託孤子幼女於妾汪氏投繯死

大清一統志

劉兆元妻賈氏元素文弱以苦讀致疾卒遂絕粒欲殉比葬賈

臨穴一慟及歸竟不起郡大夫咸臨其喪表其門焉

舊志

庠生劉遠妻邵氏嫁六載而夫亡守節年六十九歲無疾卒

同上

陳士章妻張氏甲申保定城守瀕危張牽女戚由家廟至後園

坐井床以待城破奉誥命投井死侍婢抱周歲孫亦隨下從死

婢四人凡一門九人

小腆紀年 自此以下皆甲申殉難入忠烈祠者

張純心繼室李氏城陷時見賊厲聲曰我忠臣家城破當死何

惜老命坐而罵之遂被殺破腦而死年七十四

同上

張羅彥妻趙氏聞變投井不沈家人出之再投仍浮乃免

詳見卷六

羅彥妾宋氏錢氏城危時俱日夕坐後園井邊以俟及城破

宋拔刀自刎氣未遽絕更與所生幼女同錢氏投井死宋年二

十四錢年十七又羅彥子晉妻師氏頗通文翰城危猶讀書及

城破見翁與夫入家不驚不語置書徐起更衣拜翁與夫畢投

井死年二十張羅士妻高氏早寡撫八月孤歷十七載值城陷

自縊年四十一張羅善妻高氏有三女聞城陷先投最小女於

井束次女於懷手攜已許字霍門十七歲之長女同投井死年

四十一張羅喆妻王氏聞城將陷謂夫曰君與我異我婦人也

悉遭亂君兄弟六人設盡殉國宗祀絕矣乃促夫變容易服從

水門出走及城破遂與孀姒高氏同梁縊死年三十二張羅輔

妻白氏在母家聞變即欲殉咸勸阻之白氏曰我不同汝輩吾

夫好男子在城頭必死矣乃留妻子不若人耶遂託言汲水竟

推八歲女於井已隨投之而死遺幼子幼女各一以失母亦死

張震妻徐氏城破投井死年二十五侍婢喜兒年十七亦隨死

張巽妻劉氏守節十年聞變亦投井死年三十一

同上

按全明忠義別傳張羅妻趙氏當城破時願與羅彥同死乃結雙纜於井亭先引纜絕墮地傷股落二齒及少甦匍匐入井是時子婦及妾已死於井矣自投下踰一日夜不沈家人聞井中有聲出之復索刀欲自裁家人防之不得復倒投於井旋浮水上又不死越兩日夜鄰挽之出日夫人纒不能死井不能死此天欲以孤付夫人也是時晉幼子華宗尚存乃匿空室中已而潛出城以免

高植妻王氏高桂妻劉氏娣姒也城危預白翁姑曰我等幼婦

恐受辱今叩辭請死劉託幼子於乳姆拜曰為高氏存後吾瞑